


西南稀見叢書文獻

第八卷

中國西南文獻叢書



920025

1/29 7.3/95:8

1/29
100:58

中國西南文獻叢書·第二輯

西南稀見叢書文獻

第八卷



本輯主編：戴文年

陳訓明

陳琳

人參 鹿茸
鹿茸 人參

本卷目錄

敝帚集 下	〔明〕吳中蕃撰·····	一
桐壑詩集	〔清〕周起渭撰·····	八三
秋煙草堂詩稿	〔清〕曹 石撰·····	三五九

【明】吳中蕃 撰

敝帚集

下

黔南叢書第三集

木
氣
氣

據吳氏鄉音懷堂原本校印

敬亭集卷之七

貴陽吳中蕃滋大著

七言排律

別斐園

久向深山學灌畦無端心事厭羈棲
身閒何地非瑤島性癖隨居必浣溪
獨有小園偏繫念頻行幽徑又成蹊
不言錦繡他年好且愛煙光近日迷
甚葉未經心數放何鉏不待手親攜
每因霜霰勞持護頗賴枝梢共笑啼
此去蔓藤初剪伐幾時松樹始肩齊
難招東野來藍谷

安得南鄉贈灤西託必得人方免悵守如非我亦焉憇
休將藪澤尋常視可任芻蕘斤斧撕蓬轉自憐根着地
鴻飛那用爪留泥

支煙杖

山有異水莖瘦條堅蠹蝕其膚斑剝如癭余取作杖
名曰支煙並錫以詩

老在深山世莫知偏於臃腫見離奇與梅分潔尤餘勁
比竹能斑較有姿便覺身輕全闔鳥還愁力弱或爭螭
響傳秋壑孤生悟影落千厓瘦引詩徑破雲來苔有怨

忽穿花過蝶增疑千峯指點開煙面半嶺裴裒亂月枝
豈以提攜供俗翫不緣拂拭吐華滋寒驚午寂初藏鹿
冷挫禪鋒欲吼獅幾度摩娑矜遇我有時自笑不如伊
年當少壯誠何用路值顛危始見思細省平生無倚杖
得君堪喜亦堪悲

敝帚集卷之八

貴陽吳中蕃滋大著

五言絕句

燕市

帝城何所似天上想同之不信大羅天尚有行乞兒
未出里之門朝朝苦辦金歸來驗蹄跡不及去時深
三載杏園春從前嘆積薪如何明詔下尙訪釣屠人
團營開細柳登壇盡列侯酒消朝尙早但索紫貂裘
何來一老叟肉食幸能肥屬目人爭異平臺召對歸

突兀古長城燕秦趙武成何曾限戎馬只可隔邊情
苜蓿馬初肥金牌曉夕飛來憑烽送入去賴暑驅歸

常山曉發

青燈截夢然涼風趁早天行子路將半居人猶未眠
取火照行李出門還卻顧主人笑不言一宿已成故
我先衆鳥興雲隨孤月落年少事宵征不知霜露惡

湖上

人盡爲湖來往往看山去可知山水情不在笙歌處
登舟山在舫登山湖在閣遊人羨僧閒僧羨遊人樂

愁晝

罷繡整羅裳巡階小步長下簾推白日不忍見流光

愁夜

燭蕊笑餘艷殘妝許影憐成樓今夜鼓莫打五更全

雨從南山來

雨從南山來不點西園樹如何亦有私中道便歸去

杻床

不比元龍榻聊分棲鳥杻北窗增蝶戀料是更生花

破瓶

已破何煩顧傷哉此世情補天予有手缺處一枝橫

木魚

刻鳶何以飛上座不能告一棒當頭喝爲余開口道

藤杖

除卻百文錢南華經可共野花堆裏過添得清陰重

孤亭

一笠掛林杪聲光四不遮遠風來撼柱醉擁七香車

屏幃

鳥去攀援上雲行畧礙些出山時有夢仗爾審高遮

停雲

閒雲遊晴空疎落如裂絮到庭不忍歸栖入花深處

風箏

珊珊誰解佩緩步到山林螭子嫌驚鳥牢拴不教吟

編籬

截取煙嘯條爲補雲疎處慙懃慰守磨莫教山飛去

置几

鋪張山水面晤對古今羣若箇能相共桐花杉葉分

推窗

放雲歸野壑延月又登床把手花陰入添予滿室香

支屏

柴柵經旬閉野雲時復開和雲都逐出不惹鶴羣猜

納涼

晚風吹日脚石竇嚴冰鑿畢竟深山中祝融難逞虐

澆菊

怕見秋寥落籬花先夏培分泉甦紫蔓也並養青苔

枕流

牽魂鮫縠幃洗夢黿鼉室石裏有華胥不尊天子膝

籍艸

行行且止止芊綿何鬱鬱未許僉兒偷我家之故物

濯足

溪山勞頗著城市蹟全虛何必新豐酒澆他三斗餘

搔頭

頭已寬余責心將髮共疎坐向西窗下好煩明月梳

彈指

石火光寒後刹那已百年世人如見問過去指頭禪

掛衣